

【蛻變】徐佳好原作

記得佢後生讀小學個時，放學轉到屋下興趣趣和佢分享，上自然課，先生紹介蝶，佢感覺真心色，問佢：「阿依，會用供笏角蟲無？」佢正聽過有人供魚、供蠶、供牛屎蛄，哪有人供笏角蟲？

遐睏子，佢在學校做志工，和圖書室个阿姊答嘴鼓，佢講：「單單愛種一頭柚子樹抑係柑子樹，即會有蝶飛來生卵。你擱準備一個罐子，內底園一枝細枝樹極，按即會用啊。」佢一聽著，心肝底真帶疑：自家又無蹓在莊下，種一頭柚子樹即會錫蝶來，哪有可能？毋過，「狗食烏蠅，賭造化」罔試睭望。

講嘛怪奇呢！有一日，正經有一隻蝶，在佢人種个柚子樹脣飛來飛去，飛上飛落。心肝想：佢在做麼个呢？佢目珠金金拗睭，佢著面撲翼，著面對屎肫尾屙出細細粒、黃黃个卵在葉面上。佢小心細義，將這皮葉落來拐轉屋下園入罐底。

幾下日過後，蟲么對卵內底鑽出來，一出世，黏時即拗卵殼食莫。笏角蟲真擇食，單單食佻意个葉，像一個枵過頭个細子，葉得佢食到淨—淨—淨—，伸葉脈定，佢後生將葉將毋會赴得佢

食！佢人直直食臘身直直大籬，佢白烏色个衫褲傷狹，只好脫落舊衫換青衫。

有時務，蠻皮个佢後生若「頭那插禾串」弄佢，佢會跔个臥起圓圓大大个頭那，和伸出紅紅个角，放出像榴槿臭哼哼个味，想討嚇走欺負佢个人；毋過，若係正經堵著烏、虎頭蜂，佢人連插都毋插。有一擺，佢識睭著，自家供个笏角蟲毋知得哪位來个蜂食去，衰尾个笏角蟲，走都毋會赴！一無注意，嘎發生遐款悲慘个情形，實在得人驚！

笏角蟲逐日攞拚命直直食葉，食到臘身肥油油毋知飽。有一日暗夜，睭佢起反形，葉嘛毋食，單單在罐底趨來趨去，毋知在遐無閒麼个。佢屙了一埕青青个屎，佢後生問：「佢係破病啊？抑係屙落屎？」好定泥，佢趨在遐樹極竦，吐絲拗自家吊起來，拗自家跂个，藏在蟲包內底，像睡去啊！

過一禮拜較加，蟲包變色，像變奇術，蝶對蟲包內底鑽出來啊！毋過，溼溼、爪顛顛¹个翼猶言燥，佢款款子、慢慢仔，真有耐心在等，正經係古早人講个：「蔗食了一目正一目」，毋好「打卵即討見黃」。睭著這靚膩膩个花仙子，親像係拗佢人講著人生真多道理啊。

¹ 爪顛顛：音 rhiau` pe` pe`；形容臉、皮膚或物體上很多皺褶或摺痕。

109 年全國語文競賽客家語朗讀文章國小學生組（詔安腔）

編號 02 號

【阿咪】李夢花原作

佢屋下自底攞毋識供狗供貓，一來係阿依歸日做事無閒挾掣，擱愛無閒煮三頓，二來係佢真愛淨俐，供狗供貓驚會生蟲嫲。一直到阿弟房間个天蓬竦，逐暗夜一陣老鼠在遐走來走去，乒乒乓乓吵到佢毋會睡，正不得已拗上屋个屋邊，捉一隻貓么來捉老鼠。

屋邊个貓嫲這胎正降兩隻，一隻即係佢屋下這隻，普色合白色和豬肝色花花花，睭起來真精、真得人惜，佢人喊佢「阿咪」。另外遐隻柑子色合白色，嘛真靚，得雜貨店个阿孀捉去供。阿怙講新捉來个貓，定著愛縳在有四支桌腳个桌下幾下日，按正會認屋，阿怙即拗佢縳在桌腳下。正經有影哦！幾下日過拗放，阿咪即乖乖乖，毋會亂使走。

因為毋識供過貓，阿依嘛毋知討得佢食麼个？人講：貓愛食臊。阿依即用魚脯攪飯飼。一站仔過後，阿怙講：「毋好得佢食傷好食忒飽，慣勢啊即毋會去捉老鼠。」聽雜貨店个阿孀講佢屋下遐隻，即係食到肥油油，逐日食飽睡、睡飽食，連老鼠在脣頭過，佢正目珠擘開睭一下，又做佢睡。遐幾下日逐晨早，阿怙即

去豬砧買一坵豬肝得阿咪食。第一擺豬肝買轉來，阿依討提來煮熟，阿怙煞著講：「得貓食生豬肝，係愛佢慣勢食生个味，正會去捉老鼠，後次擺佢捉著个老鼠，你討煮熟正得佢食係無？」阿怙講个真有理，佢人聽了哈哈大笑。

阿咪日時頭走到倉庫睡，暗夜時即係佢行動个時間，在暗摸摸个暗夜，睭著佢个目珠仁，像兩粒青色个寶石真金真靚，灶下个黃蚩趨來趨去，佢一爪捉一隻，十分流掠。即毋知佢會曉捉老鼠無？毋過，自阿咪來了後，阿弟間房个天蓬，即無老鼠在遐跳舞啊。

不知不覺，阿咪供有十四年啊，照佢人个年歲來算，佢有七十空歲啊。遐日睭佢懶懶無精神，食个物件又吐出來，好佳載得獸醫睭過注射過，幾下日即好啊。阿依笑笑个對阿咪講：「你和佢共款，老啊。」阿咪真像聽識，第二日捉一隻細隻老鼠挑持園在灶下，像係討拗阿依講：「莫笑佢老刀嫲無鋼——毋奈何，佢猶擱真慶！」動物除了毋會講事，佢人和人共款，係有感情有靈性个，猶有遐種毋認老个打拚精神。

【大籬呆減肥記】曾菁怡原作

「哇！歸桌恁多好料！汽水、餅、披薩、雞卵糕、枝子冰，猶有佢頭愛食个炸菜、雞髀。」佢睺到無瞞目，口涎水硬硬討滴落來，遐兜好料像拗佢攞手講：「較緊來食，較緊來食哦！」佢煞煞擎一支香噴噴个雞髀，遐油金油金个皮烘到赤赤，肉汁汀汀汀汀，實在真錫人！即在佢嘴擘到大大，準備咬落去个時，嘎聽著：「大籬呆，猶毋跋起來？讀書討毋會赴啊！」全部个好料一下嘎毋見去，幾時，係發夢啊！有一兜仔毋甘願，遐雞髀無咬著，實在真無採啊！

聽佢依講，佢自細即真好嘴斗，生到肥油油，幼皮白肉，真得人惜。阿太即真愛捏佢个嘴顫，講佢像正舂好个糝得人想討咬一口。原本佢無感覺肥油油个身材有麼个無好，毋過遐擺見笑个經驗得佢堅心愛減肥啊。

遐日學校辦校慶活動，佢个班級表演「三隻豬么」个話劇，佢係擔任豬大哥个角色。即在節目進行到豬大哥和豬二哥為著閃避大野狼，討走去豬阿弟个屋藏个時，為著有緊張个氣氛，佢拚命從過去討鑽入豬阿弟个屋內底。仰子會知，一下傷大力，豬阿

弟个屋嘎得佢撞倒去，佢猶仆在屋面上，屎肫翹到半天高，緜緜緜个褲弓到裂線縫……遐時，鬧熱滾滾个禮堂好定泥變到一片恬卒卒，佢猶聽會著自家砰砰嘸个心跳聲，額頭流落來个汗，逐滴佢攞感覺會著……實在真見笑哦！愛仰子正好？落尾，有聲音拗佢解圍啊，佢攞緊企起來行到舞臺脣換褲；遐聲音，毋係佢期待个拍手聲，係大家笑到歸身直直震、目汁雙流个笑聲。

校慶煞遐日，桌嶼个奶茶、雞排做一下得佢拗到垃圾桶，佢第一擺有恁堅定个決心，定著愛減肥成功。佢去網路尋減肥个方法，大概係減量、減油、減糖，猶愛配合適當个運動，所以遐兜油潑潑个炸菜、甜漬漬个汽水、糖全部得佢拒絕，逐頓飯菜攞食較清較多菜兜，食到七分飽即好。佢猶逐日運動三十分鐘，行路、打球、跳索……逐日做無共款个變化。

一個月過後，佢依渡佢去買新衫褲，逐領个寸尺攞減兩號，阿依講：「對今日開始毋會用攞喊你『大籬呆』啊。」「係啊！你愛喊佢『緣投哥』啊。」

大籬呆減肥，成功！